



Albanus Vitoduri apud Heluetios natus & optimè educatus fuit, Anno circiter 1490. Is cum prima literarum fundamenta in patria foelicitè iecisset, sese ad Academiam Basiliensem contulit, atque Philosophiæ ac Græcæ & Latinæ linguæ præclaram operam nauauit. In ijs etiam adeò profecit, ut omnium calculo 1532 artium Magister crearetur. Postea ad tempus ad S. Petrum scholæ præfuit, & iuuentutem in primis artium rudimentis optimè instituit. Cum autem ad altiora respiceret, post aliquot annos in Galliam profectus, Medicinæ operam dedit, & in ea facultate Doctoralia insignia impetrauit. Inde Basileam reuersus, ob præclaram eruditionem inter eius Academię professores cooptatus, publicè Medicinam docuit, atq; Galeni & Hippocratis dogmata magna laude exposuit. In ea quoq; urbe & finitima regione Medicinam exercuit, & cunctis gratissimus extitit.